



REPUBLIKA E KOSOVË  
REPUBLICA KOSOVO  
OPŠTINA LIPLJAN



Pranuar me:  
Priljeno: 22.01.2025

Njesia Jednica	Numri Broj	Shtet,ca Opština
ES01-052	61-3957	

REPUBLIKA E KOSOVË  
REPUBLICA KOSOVA  
REPUBLIC OF KOSOVA

KOMUNA E LIPLJANIT  
OPŠTINA LIPLJAN  
MUNICIPALITY OF LIPLJAN

Zyra e Kryetarit të Komunës

PROCESVERBALI  
NGA  
MBLEDHJA E DYTË PUBLIKE  
E THIRRUR NGA KRYETARI I  
KOMUNËS NË DHJETOR  
2024

PROCESVERBALI NGA MBLEDHJA E DYTË PUBLIKE E THIRRUR NGA KRYETARI I  
KOMUNËS NË DHJETOR 2024

INFORMATË RRETH NJOFTIMIT

**Hyrje**

Në mbështetje të neneve 13, 58 dhe 68 par 68.4 të Ligjit për Vetëqeverisjen Lokale Nr.03/L-040, Gazeta Zyrtare e Republikës së Kosovës, nr.28 të datës 4 qershor 2008, neneve 40, 41 dhe 67 të Statutit të Komunës së Lipjanit 15Nr.110-78095 i datës 24.12.2021, Udhëzimi administrativ UA Nr.04/2023 për administratë të hapur në komuna, Rregullores mbi Transparencën në Komunën e Lipjanit Nr. 15-016/0163314, e datës 26.12.2024 si dhe Planit të Veprimit për transparencë në komunë, Komuna e Lipjanit harton procesverbal nga mbledhja e dytë publike e thirrur nga kryetari i komunës për periudhen janar-dhjetor 2024 i cili është mbajtur me datën 27.12.2024, në sallën e Kuvendit Komunal, duke filluar nga ora 10:00. Në bazë të Ligjit për Vetëqeverisje Lokale, Komuna është e obliguar të mbaj dy tubime me publikun, njërin në gjashtëmujorit e parë të vitit fiskal dhe tjetrin në fundvit.

**Ecuria e Procesit**

Zyrtari përgjegjës për menaxhimin me Platformen e Konsultimeve Publike dhe Koordinimin e konsultimeve publike në Komunën e Lipjanit ka bërë me kohë lajmërimin dhe ka publikuar njoftimin në ueb faqe të Komunës, në dy gjuhët zyrtare, dy javë para mbajtjes, sipas ligjit për Vetëqeverisje dhe rregullatives tjetër ligjore të cilat janë në fuqi.

<https://kk.rks-gov.net/lipjan/wp-content/uploads/sites/20/2024/12/thirrja-per-takimin-e-kryetarit-me-qytetar.pdf>

Po ashtu njoftimi është vendosur edhe në hyrje të objektit të komunës si dhe në vendet e tjera më të frekuentuara nga ana e qytetarëve.

# PROCESVERBALI NGA MBLEDHJA E DYTË PUBLIKE E THIRRUR NGA KRYETARI I KOMUNËS NË DHJETOR 2024

## INFORMATË RRETH NJOFTIMIT

Takimi i cili është mbajtur 27.12.2024 duke filluar në ora 10:00 në sallën e Kuvendit Komunal ku kishte karakterin informues për të gjithë pjesëmarrësit. Përfaqësuesit e komunës kanë njoftuar për aktivitetet komunale, të arriturat dhe vështirësitë, për synimet dhe investimet kapitale gjatë periudhës për të cilën është thirrur takimi, ndërsa të pranishmit paten rastin të bëjnë pyetje dhe të japin propozime lidhur me realizimin e projekteve të planifikuara si dhe për çështje të tjera që janë në interes të tyre dhe gjithë qytetarëve të tjerë.

Për të folur rreth aktiviteteteve të Komunës, për planet dhe sfidat, fjala kryesore i takoi kryetarit të komunës, Imri Ahmeti.

Në prani të drejtorëve të Drejtorateve komunale, përfaqësuesve të Këshillave Lokal përfaqësuesve të shoqërisë civile dhe shumë qytetarëve tjerë, mbledhjen e hapi kryetari i Komunës, Imri Ahmeti ku takimin e filloi duke i njoftuar të pranishmit punën gjatë periudhës janar-dhjetor 2024 të qeverisjes lokale ku bashkarisht kanë diskutuar për të gjitha projektet, të arriturat dhe sfidat gjatë kësaj periudhe.



PROCESVERBALI NGA MBLEDHJA E DYTË PUBLIKE E THIRRUR NGA KRYETARI I  
KOMUNËS NË DHJETOR 2024

TAKIMI ME QYTETARË




PROCESVERBALI NGA MBLEDHJA E DYTË PUBLIKE E THIRRUR NGA KRYETARI I  
KOMUNËS NË DHJETOR 2024

TAKIMI ME QYTETARË



PROCESVERBALI NGA MBLEDHJA E DYTË PUBLIKE E THIRRUR NGA KRYETARI I  
KOMUNËS NË DHJETOR 2024

TAKIMI ME QYTETARË



## PROCESVERBALI NGA MBLEDHJA E DYTË PUBLIKE E THIRRUR NGA KRYETARI I KOMUNËS NË DHJETOR 2024

### TAKIMI ME QYTETARË

Kryetari Ahmeti shprehu kënaqësinë për investimet e realizuara gjatë vitit, të cilat kanë ndikuar drejtpërdrejtë në përmirësimin e jetës së qytetarëve të Komunës së Lipjanit. Ai cilësoi vitin 2024 si një vit shumë të suksesshëm, duke ia atribuar këtë sukses qytetarëve të Lipjanit.

Në këtë takim, Kryetari Ahmeti veçoi disa nga projektet kryesore, duke përmendur ndërtimin e nënkalimit dhe parkingut nëntokësor, asfaltimin e mbi 62 kilometra rrugë, ndërtimin e 9 kilometra trotuare, shenjzimin dhe ndriçimin publik. Në sektorin e shëndetësisë, po ndërtohet qendra urgjente në qytetin e Lipjanit dhe Qendra Kryesore e Mjekësisë Familjare (QKMF). Në arsim, janë realizuar renovime efikase të shkollave në disa vendbanime, ndërsa mbi 800 fermerë kanë përfituar mbështetje. Në fushën e sportit dhe kulturës, janë alokuar mbi 205 mijë euro.

Kryetari Ahmeti u shpreh i bindur se në vitin e ardhshëm do të realizohen edhe më shumë projekte, ndonëse përmendi edhe sfidat që kanë shoqëruar punën e deritanishme. Ndër sfidat kryesore, ai theksoi mungesën e mbështetjes nga niveli qendror dhe çështjet e lidhura me kontratat kolektive.

Kryetari Imri Ahmeti para të pranishmëve ka thksuar edhe Sfidat të cilat nuk kanë qenë të lehta dhe kanë përfshirë kryesisht mungesën e mbështetjes financiare për përpjekjet tona, si dhe pengesat në Organin e Shqyrtimit të Prokurimit (OSHP), ku kemi disa lëndë. Një nga këto është Shtëpia e Kulturës, një projekt që presim të fillojë, por që ende po zhagitet në shkallën e dytë të OSHP-së. Po ashtu, është çështja e urës së shtratit të Lumit Sitnica dhe mirëmbajtja e ndriçimit publik, e cila, me apo pa qëllim, po na dëmton. Janë gjithashtu disa lagje që kanë nevojë për ndriçim public.

Kryetari Ahmeti, theksoi se komunat nuk janë nënshkruese të kontratave kolektive, por pasojat e tyre po i bartin vetë ato.

Një ndër problemet më të mëdha që kemi hasur gjatë këtij viti dhe që mendoj se do të vazhdojë edhe vitin e ardhshëm është përmbarimi gjyqësor për kontratat kolektive të punëtorëve të arsimit. Ekzekutimi përmes përmbaruesve privatë prek buxhetin e komunave, përfshirë buxhetin e komunës sonë. Kjo ka penguar realizimin e projekteve shtesë, sepse komunat, ndonëse nuk janë nënshkruese të këtyre kontratave, bartin pasojat e tyre

Kryetari Imri Ahmeti po ashtu ka folur edhe për realizimin e buxhetit të komunës për vitin 2024 i cili ka qenë i suksesshëm, me rreth 97.62% të buxhetit total të realizuar, ndërsa investimet kapitale kanë tejkaluar pritshmëritë, duke arritur në 95.60%.

Të hyrat vetanake kanë shënuar progres të jashtëzakonshëm, duke tejkaluar planifikimin buxhetor. Deri në këtë pjesë të muajit dhjetor, janë realizuar 3,316,138.01 euro, duke tejkaluar planifikimin prej 2,532,006.00 euro. Në raport me vitin 2023, progresi është rritur me 30.93%.

## PROCESVERBALI NGA Mbledhja e Dytë Publike e Thirrur nga Kryetari i Komunës në Dhjetor 2024

### TAKIMI ME QYTETARË

Kryetari Imri Ahmeti gjatë takimit me qytetarë theksoi se Komuna e Lipjanit gjatë vitit 2024 është renditur ndër komunat me performancë të mirë, sipas vlerësimeve nga organizata dhe institucione vendore e ndërkombëtare. Ai ka përmendur lajmin e mirë që gjatë fundit të vitit 2024 për përfitimin e Grantit të Performancës prej 1,041,380.61 euro, një arritje që pasqyron menaxhimin e mirë, transparencën dhe llogaridhënien e komunës sonë," tha

Për transparencë buxhetore, Komuna e Lipjanit është renditur e para nga organizata GAP dhe ka marrë vlerësime të larta nga KDI dhe organizata të tjera.

Në fund të takimit, Kryetari Imri Ahmeti uroi qytetarët për festat e fundvitit dhe i ftoi të vazhdojnë bashkëpunimin për zhvillimin e qytetit dhe vendbanimeve. Ai theksoi se sukseset nuk mund të arrihen pa përfshirjen dhe aktivizimin e qytetarëve.

Qytetarët prezent në këtë takim publik, kanë shprehur falënderime për Kryetarin Ahmeti, për angazhimin në kryerjen e punëve të shumta që po bënë për të përmirësuar jetën e qytetarëve të Komunës së Lipjanit si dhe paraqiten kërkesat për investime kapitale në të ardhmen krahas lokaliteteve të tyre e të cilat janë më prioritet për ta.

Po ashtu qytetarët present kanë pasur rastin të bëjnë pyetje rreth shumë çështjeve me rëndësi të marrin përgjigje nga vet kryetari Imri Ahmeti.

Me këtë rast, Kryetari i Komunës, Imri Ahmeti, e hapi diskutimin për të pranishmit.

**Bekim Krasniqi, nga OJQ YAHR,** tha se ne si shoqëri civile kemi pas bashkëpunim shumë të mirë me Komunë e Lipjanit, po ashtu edhe me kryetaret e këshillave të fshatrave, andaj me mirëkuptim kërkoj që ky bashkëpunim të vazhdoj edhe në të ardhmen.

**Kryetar Imri Ahmeti,** përveq që ka theksuar nevojën e bashkëpunimit me OJQ-të dhe të gjithë qytetarët e Komunës së Lipjanit ka theksuar se ky bashkëpunim do të vazhdojë domosdo edhe në të ardhmen.

**Zymer Ahmeti, përfaqësuesi lagjes se Akllapit** tha se do ta ngris një pyetje për një çështje që e kam ngritur disa herë për asfaltimin e rrugicave ne lagjen e Akllapit, ku ne kemi nënshkruar marrëveshje te noteri për atë rrugë, me te cilën deklarohemi se nuk kërkojmë kompensim. A pritet të asfaltohet ajo rrugë.

**Imri Ahmeti,** kryetar i komunës tha se ato rrugica ne të cilat nuk ka probleme pronësore ose bëjnë deklarate me shkrim palët te noteri se nuk kërkojnë kompensim, ne do ti asfaltojmë.

**Skender Bikliqi Janjevë,** unë si kryesues i komitetit për komunitete, ju falënderoj të gjithëve për bashkëpunimin qe kemi pas, po ashtu ju falënderoj për të gjitha kërkesat qe i kemi ngrit qoftë si fshat qoft si komitet e të cilat kanë hasur në mirëkuptim dhe janë realizuar nga Komuna e Lipjanit.



## PROCESVERBALI NGA Mbledhja e Dytë Publike e Thirrur nga Kryetari i Komunës në Dhjetor 2024

### TAKIMI ME QYTETARË

**Kryetar Imri Ahmeti**, ka theksuar nevojen e bashkëpunimit me gjitha grupe e interesit dhe të gjithë qytetarët për një zhvillim me të qëndrueshëm të komunës, duke u shprehur që ky bashkëpunim të vazhdoj edhe në vazhdim.

**Zaim Baftiu, nga KBI Lipjan**, Në emër të KBI në Lipjan ju falënderoj për bashkëpunimin e mirë që kemi pas po ashtu edhe për punët e realizuara në teren duke filluar nga shpenzimet varimit për të gjithë qytetarët e komunës tonë, pastaj pastrimi i varrezave dhe shumë aktivitete të tjera, shpresoj që ky bashkëpunim do të vazhdoj edhe tutje.

**Kryetar Imri Ahmeti**, ka theksuar nevojen e bashkëpunimit me gjitha grupet e interesit dhe të gjitha institucionet e tjera edhe këto fetare, duke u shprehur që ky bashkëpunim do të vazhdoj edhe në vazhdim.

**Ramiz Gashi, përfaqësues mi fshatit Magure**, falënderoj për bashkëpunimin dhe punimet që janë bërë në fshatin Magure, mirëpo kanë mbetur edhe disa rrugica të pa asfaltuara si dhe është dëmtuar tregu gjatë punimeve.

**Kryetar Imri Ahmeti**, tha se rrugicat të cilat janë ta pa asfaltuara aty ku nuk kemi probleme pronësore do të asfaltohen, por do e rregullojmë edhe tregun e dëmtuar.

**Behxhet Kongjeli Janjevë**, është shprehur i kënaqur me investimet që janë bërë në Janjevë. Por ka edhe disa punë që duhet të bëhen si ndricimi publik i cili ka mbetur në gjysmë në disa pjesë po ashtu ka probleme dhe me kanalizim dhe ujësjellës në disa vende.

**Kryetar Imri Ahmeti**, Në Janjevë shume shpejtë do të kryhet ndricimi publik po ashtu edhe renovimi i shkollës, por gjithashtu do të intervenohet edhe me kanalizimin.

**Xhyla Kërpozi Shalë**, tha se edhe unë si përfaqësuese e këshillit të fshatit Shalë ju falënderoj për bashkëpunimin që kemi pas. Ka pas investime në fshatin Shalë, duke u punuar për të mirën e këtyre qytetarëve, shpresoj që ky bashkëpunim do të vazhdoj edhe tutje dhe kërkesat tona si fshat të hasin në mirëkuptim dhe të gjejn mbeshtetjen e komunës.

**Kryetar Imri Ahmeti**, është obligim i yni që qytetarëve të komunës së Lipjanit të ju sigurojmë kushte më të mira për jetë dhe ne do bëjmë përpjekje që të gjitha kërkesat e juaja e sidomos ato më prioritare për banorët e Shalës do i planifikojmë dhe do i realizojmë.

**Ali Sopa, përfaqësues i fshatit Grackë**, tha se në fshatin Grackë ka nevojë për investime pasi që mungon trotuari, ndricimi publik dhe asfaltimi i disa rrugicave.

**Imri Ahmeti, kryetar i komunës** tha se sa i përket kontratës për mirëmbajtje për ndricim publik ka qen deri tani në OSHP, por shume shpejt do të nënshkruhet dhe do të rregullohet aty ku ka pas probleme. Rrugicat të cilat janë ta pa asfaltuara aty ku nuk kemi probleme pronësore do të asfaltohen.

## PROCESVERBALI NGA MBLEDHJA E DYTË PUBLIKE E THIRRUR NGA KRYETARI I KOMUNËS NË DHJETOR 2024

### TAKIMI ME QYTETARË

**Imri Lacaj, nga fshati Kraishtë,** tha se në fshatin tone është investuar në disa projekte, por ashtu është ndihmuar me mjete financiare edhe klubi i volejbollit Skënderbeu dhe ju falënderojmë për bashkëpunimin që kemi pas, shpresoj që ky bashkëpunim do të vazhdojë edhe tutje dhe kërkesat tona si fshat të hasin në mirëkuptim dhe të gjejnë mbështetjen e komunës.

**Kryetari Imri Ahmeti,** është obligim i yni që qytetarëve të komunës së Lipjanit të ju sigurojmë kushte më të mira për jetë dhe ne do bëjmë përpjekje që të gjitha kërkesat e juaja e sidomos ato më prioritare për banorët e Kraishtes do i planifikojmë dhe do i realizojmë

**Haki Lahu, nga fshati Vrellë e Goleshit,** tha se në Lipjan të gjitha punët thuaj se janë përfunduar, ka mbet vetëm edhe një punë e madhe të kryhet ajo është që ti ndryshohet emri Lipjanit dhe ti bëhet emri Ulpiana.

**Kryetari Imri Ahmeti,** është obligim i yni që qytetarëve të komunës së Lipjanit të ju sigurojmë kushte më të mira për jetesë, por edhe propozimin e juaj do e shqyrtojmë si institucion.

**Engjell Gashi, nga fshati Brus,** tha se në Brus është investuar mirëpo kam një kërkesë që gjatë sezonit të dimrit të pastrohet dhe rruga përtej fshatit Brus.

**Kryetari Imri Ahmeti,** ne do të angazhohemi që përmes operatorëve t'i pastojnë edhe ato rrugë dhe të gjitha rrugët që qarkullojnë qytetarët.

**Valbona Sopa, fermerë nga fshati Sillovi,** ka falenderuar kryetarin për ndihmën që na ka ofruar neve si bujq, por kam një kërkesë, që të behet një kooperativë.

**Kryetari Imri Ahmeti,** është obligim i yni që të gjitha kërkesat e qytetarëve ti shqyrojmë dhe të veprojmë në mënyrë ligjore.

Kryetari Imri Ahmeti në përfundim të takimit me qytetarët e Komunës së Lipjanit ka falenderuar pjesëmarrësit dhe të gjithë qytetarët lipjanas për bashkëpunimin edhe gjatë vitit 2024. Ne do të vazhdojmë të punojmë për të mirën e qytetarëve dhe zhvillimin e gjithmbarshëm të komunës së Lipjanit.

Pasi çështje të tjera nuk kishte mbledhja përfundoi në ora **11:20**

Në këtë tubim publik kanë marrë pjesë **69** pjesëmarrës, prej tyre **22** femra dhe **47** meshkuj.

**Bukurie Zejnullahu -Jashari**

**Udhëheqëse e Sektorit për Komunikim me Publikun dhe përgjegjëse për konsultime publike**

Lipjan, 22 janar 2025